

U skladu s članom 150. stav (2) tačka a) Poslovnika Predstavničkog doma ("Službeni glasnik BiH" broj 33/06, 41/06, 81/06, 91/06 i 91/07), u postupku razmatranja Godišnjeg izvještaja o napretku (Pratnje provedbe Akcionog plana 1. Strategije reforme javne uprave u Bosni i Hercegovini), Predstavnički dom Parlamentarne skupštine Bosne i Hercegovine, na 38. sjednici održanoj 22. i 29. oktobra 2008. godine, usvojio je

DEKLARACIJU O DOBROJ UPRAVI

I.

U namjeri da dobrom upravom ispuni zahtjeve građana i njihovih socio-ekonomskih očekivanja, kao i zahtjeve iz evropskog partnerstva i Sporazuma o stabilizaciji i pridruživanju, na temelju evropskih principa dobre uprave, Predstavnički dom potvrđuje opredijeljenost za reformu javne uprave i podršku Strategiji javne uprave.

II.

Predstavnički dom izražava podršku održivom razvoju institucija uprave, sposobnih za izvršavanje zadataka na efektivan način koji će poštovati principe demokratije, ljudska prava, javni red, socijalnu pravdu i sigurnost građana, kao i ekonomično i efikasno upravljanje resursima.

III.

Ovom Deklaracijom Parlamentarna skupština BiH izražava opredijeljenost za uspostavljanje i održavanje sljedećih principa dobre uprave:

Otvorenost - princip otvorenog rada i aktivne komunikacije s javnošću u donošenju i primjeni odluka. Ovaj princip je od suštinske važnosti za jačanje povjerenja javnosti u rad uprave;

Široko učesništvo - princip uključivanja svih učesnika u lancu odlučivanja, od kreiranja do primjene odluka;

Odgovornost - princip jasnih uloga u zakonodavnim i izvršnim procesima, uz punu odgovornost za razvoj i primjenu politika.

Efektivnost - princip efektivnih i pravovremenih politika, baziranih na jasnim ciljevima, procjeni djelovanja i prethodnom iskustvu;

Koherentnost - princip kreiranja politika i preduzimanja mjera na dosljedan, koordiniran i razumljiv način, u sklopu složenog upravnog okvira.

IV.

Navedeni principi će biti primijenjeni u radu i djelovanju institucija BiH. Vijeće ministara BiH, upravnim organima i organizacijama BiH, a preporučuje se i nivoima entiteta i Brčko Distrikta BiH. Pomenuti principi bit će osigurani mehanizmima odgovarajućeg parlamentarnog nadzora, u skladu s pravima vladavine prava, uz aktivno učesništvo civilnog društva i poslovne zajednice.

V.

Ova Deklaracija stupa na snagu danom donošenja i objavit će se u "Službenom glasniku BiH"

Broj 01-50-1-15-38/08
29. oktobra 2008.
Sarajevo

Predsjedavajući
Zastupnik doma
Niko Lozančić . s.r.